

Summæ Theologicæ Scholasticæ Et Moralis

In Quatuor Partes Distributæ

In qua de Incarnatione Verbi & Mysteriis vitæ Christi, nec non de
Sacramentis in genere & singulis in specie succinctè & dilucidè tractatur

Herincx, Wilhelm

Antverpiae, 1675

Quæstio I. An Pœnitentia sit Sacramentum à Baptismo distinctum &
quando institutum.

[urn:nbn:de:hbz:466:1-72963](#)

Quest. I. An Pœnitentia sit Sacr. à Baptismo distinctum &c. 377

Quam Nonnulli communem seu transcendentalē faciunt cum quavis virtute : Alii verò communiter particularem esse volunt, sive Iustitia, sive Religionis, aut similis. De quo tamen non est proprius hic locus. Ea denique quæ concernunt Pœnitentiam actualē, seu detestationē peccatorum præparantem sive disponentem ad remissionē eorumdem (quaenam Scriptura & Pœnitentia nomen Pœnitentia sibi vendicavit, nec specialiter ad virtutem moralē Pœnitentia spectat) partim in materia de Iustificatione explicata sunt, partim hic agendo de prima parte materiali Sacramenti Pœnitentiae, scilicet Contritione, explicabimus.

DISPUTATIO PRIMA.

De Institutione & Partibus Sacramenti Pœnitentiae in Communi.

QUESTIO I.

An Pœnitentia sit Sacramentum à Baptismo distinctum, & quando institutum?

Dico I. Pœnitentia est Sacramentum à Christo institutum, & à Baptismo distinctum. Est contra Novatianos, sic dictos à Novato Episcopo Africano, & corruptore Novaziani presbyteri Romani, qui etsi non penitus negaverint remissionem peccatorum coram Deo, negarunt factum illam dei baptizatis per ministerium Ecclesiae, atque adeo omnem usum & ritum hujus Sacramenti abstulerunt. Quod etiam fecerunt Calvinistæ, & psalmi alii Novatores moderni, quorum calumnias & imposturas detegit Bellarminus l. I. de Pœnitentia c. 2. & quatuor Legg.

Sed Conclusio patet ex cap. Ad abolendam, Hereticis, Florentino in Decreto Eugenii, & novissime ex definitione Tridentini sess. 14. c. 1. & 2. & can. 1. & 2. Probatur eadem veritas potissimum ex Joan. 20. Accipite Spiritum sanctum, quoniam remiseritis peccata, remittuntur eis, & quorum retinueritis retenta sunt. Quibus verbis Christus Apostolis, corumque successoribus manifeste tribuit potestatem remittendi peccata. Hæc autem potestas exerceri debuit per signum sensibile: cum exercetur circa homines sensibiles, & in communitate sensibili; & quia nemo alioquin sciret, an peccata sibi essent remissa. Ita autem signo nihil deest ad rationem Sacramenti, ut patet ex ejus definitione.

Scripturam adeo claram variè torquent Herinex Sum. Theol. Pars IV.

Hæretici, respondentes passim, ibi tantum *Quam vñ* Apostolus dari potestatem prædicandi *E-riè, sed in-* vangelium, ut per fidem prædicatione con- *niter tor-* ceptam remittantur peccata: vel solum dari *quent Hæ-* potestatem denuntiandi peccata esse remis- *retici.*

Probatur denique ex Patribus. Ambrosius 3. l. de Pœnit. c. 7. art: In Baptismo itaque remissio peccatorum omnium est: quid interest, utrum per pœnitentiam, aut per lavacrum hoc ius (scilicet remittendi peccata) sibi datum sacerdotes vendicent? Vnum in uroque mysterium est. Cyrilus l. 12. in Joan. c. 56. postquam verba Joan. 20. interpretatus est, docet aperte in fine capituli, Discipulos, scilicet Sacerdotes, per potestatem sibi à Salvatore traditam duobus modis peccata remittere, Primum (inquit) Baptismo, deinde Pœnitentia; nam aut homines ad Baptismum inducunt, aut Ecclesiæ filii pœnitentibus indulgent. Quod autem Hæretici objicunt Cyrilum explicare verba Christi de potestate baptizandi, falsum est: nam in expositione verborum, Baptismi non meminit, sed tantum in fine Capitis, ad explicandam sacerdotum dignitatem numerat duplē pœnitentiam potestatem: non assertit tamen, quod utraque sit illis ibi tradita; neque id congruit contextui Evangelii. Et quāvis verba illa ad utramque potestarem peccata remittendi extenderet, id solum faceret per quamdam accommodationem, ut ait Wiggersq 84. art. 1. Hieronymus, tum alibi, tum Epist. ad Heliodorium

378 Disp. I. De Institutione & Partibus Sacram. Pœnitentia.

Heliodorum expressit Catholicam veritatem, ubi *C. sacerdotibus* ait: *Abfit, ut de his quidquam sinistrum loquar, qui Apostolico gradu*ſtudentes*, Christi corpus sacro ore conficiunt, per quos & nos Christiani sumus, qui claves regni celorum habentes, quodammodo ante diem iudicij judicant.* *Chrysostomus l. 3. de Sacerdotio* post varia præclarè dicta de eminenti Sacerdotum potestate supra Principes terræ, immo ne quidem Angelis aut Archangelis concessâ quo ad solutionem vinculorum animæ; veris interiectis subdit: *Corporis lepram purgare, seu verius dicam, haud purgare quidem, sed purgari probare, iudeorum sacerdotibus solis licet...* *A*verd nôstris sacerdotibus, non corporis lepram, verum anima fortes, non dic, purgatas probare, sed purgare prorsus concessum est. & intrâ: *Neque enim solum cum nos regenerant, sed postea etiam condonandorum nobis peccatorum facultatem obtinenter.*

4.
Responsio
heretico-
rum auto-
ritates de
Baptismo
ad memo-
riam revo-
cato expo-
nentium
enervatur.

Ex his præcluditur effugium Hæretorum dicentium Pœnitentiam esse ipsum Baptismum ad memoriam revocatum: nam Christus *Joan. 20.* non agit de Baptismo, sed de potestate sacerdotum ad remittenda peccata. Et quidem potestas baptizandi Apostolis data fuit *Math. 16.* immo diu antea baptizaverant, ut patet *Joan. 3.* & *4.* Neque tñquam in Scriptura vel tota antiquitate lapsi post Baptismum remittuntur ad memoriam Baptismi pro remedio reconciliativo. Quin immo Patres de Pœnitentia tractant tamquam remedio peccati distincto à Baptismo; ut patet ex autoritatibus allegatis, & aliis, in quibus Baptismum quidem vocant primam tabulam post naufragium factum peccato Adæ, Pœnitentiam autem secundam tabulam, secunda subsidia, item reconciliationem fideliū, similibusque nominibus.

5.
Qualiter
distinguunt
sacra-
mentum Pœ-
nitentie à
Baptismo.

Idem patet ex eo, quod Baptismus & Pœnitentia habeant distinctam materiam & formam: Baptismus quoque sit initerabilis, non Pœnitentia: habeatque distinctum ministerium, cum Baptismus etiam à laico possit conferri validè, & in necessitate licite; at reconciliatio pœnitentium ita propria semper fuerit Episcopis & Presbyteris, ut quovis casu laicus illam attentes, nemo invalidam & irritam esse dubitaret: habeat insuper distinctum effectum, cum Baptismus debeat omnem pœnam, Pœnitentia regulariter relinquat aliquam pœnam temporalem satisfactionibus expandam; ob quod à Patribus vocatur Baptismus quidam laboriosus & lacrymarum, ut refert *Bellar. l. 1. de Parit. c. 13.* Denique ridiculè est dicere, Baptismum olim suscepimus sui recordatione remittere subsequentia peccata. Quod autem Hæretici dicant id fieri, quatenus ita excitatur fides, per quā quis justificatur, falsum assumunt. Nam fides ista specialis non justificat, & lignanter Sacraenta non justificant excitando fidem, ut *Traict. de Sacram. in genere ostensum* est. Nec inde aliquid speciale competenter Baptismo, quod non com-

peteret alicui concioni in memoriam revocatæ. Dices: *Ad Ephes. 5. de Christo* dicitur: *Mundans eam (scilicet Ecclesiam) lavato aquæ.* Intellige cum *Augustino l. 1. de Natiuitate c. 33.* quia per illud lavacrum etiam remittuntur peccata postea commissa. Resp. *Apostolus* agere tantum de remittatione membrorum Ecclesiæ per Baptismum; quando primum aggregantur Ecclesiæ. *Augustinus* autem tantum vult Baptismum esse principium remissionis subsequentium peccatorum, quatenus nisi esset susceptus non remitterentur per pœnitentiam aut remedia à Christo instituta, seu quatenus baptizatis fiunt remissibilia per Sacramentum Pœnitentiae, non autem quod remittantur per ipsum Baptismum: *Quid enim (inquit ibidem) praefessus vel ante Baptismum Pœnitentia, nisi Baptismus sequeretur; vel postea, nisi precederet?* Alioquin (ut ait idem *Augustinus Epist. 23.*) *Si infans post Baptismum propria iniciat habere peccata, illa non regeneratione auferuntur seu alia curatione sanantur, tunc a Sacramento Pœnitentiae, cuius fit capax, er Baptismus.* Et *l. 2. De adulter. conjug. c. 16. S. (inquit) à Catechumeno factum est homicidium, Baptismate ablutus, si a baptizato, Pœnitentia & reconciliatione sanatur;* scilicet Sacramento Pœnitentie.

Dico II. Christus instituit Sacramentum Pœnitentiae *Joan. 20.* dum insufflando in Apostolos dixit: *Accipite Spiritum sanctum &c.* Colligitur farsi evidenter ex *Trid. l. 14. c. 1.* ubi docet, Christum Dominum Sacramentum Pœnitentiae tunc præcipue instituisse, cùm à mortuis excitatus inveniatur in discipulis suis dicens: *Quorum iniurias peccata &c.* Addit autem, præcipue ut significet idem Sacramentum, antea fuisse instituatum & promissum, videlicet *Math. 16. c. 1.* Deinde probatur: quia Christus per verba prædicta dedit Apostolis potestatem remittendi peccata, ut patet ex textu, ac *Trid. sup. can. 3.* ergo tunc instituit Sacramentum Pœnitentiae: cùm non sit aliud dare potestatem remittendi peccata, quam institueretur tribunal, in quo jus dicerent Sacerdotes, absolvendo, quos diligenter dignos; non absolvendo, quos judicarent indignos.

QUÆSTIO II.
Quæ sit Materia Sacra Pœnitentia?
Dico I. Materia remota Sacramentum Pœnitentiae sunt peccata commissa post Baptismum. Patet: quia circa illa versatur materia proxima, tempe astus pœnitentis. Deinde quia hoc Sacramentum est institutum per modum iudicij; materia autem remota iudicij sunt crimina, delinquentis. Dixi, *Commisa post Baptismum:* quia peccatum originale, & alii Baptismu præcedentes, necessariò debent remitti per ipsum Baptismum: nec potest de illis Ecclesia judicare; cùm sint commissa antequam esset homo Ecclesiam ingressus, aut subesse illius jurisdictioni. Idem colligitur ex *Trid. l. 14. c. 1.*